

四庫全書

集部

欽定四庫全書

容春堂前集卷四

明 邵寶 撰

五言律詩 八十一首

聞憲宗皇帝遺詔

帝德難思擬天高后土深驚聞八月詔
哀裂萬邦心慈壺虛文膳明堂輟舜琴
扣頭瞻北極清淚滿衣襟

昭明太子讀書臺

江左風流在前梁復後唐壁分新竹色
臺散舊芸香跡

與仙風遠名隨佛日長澄湖回首地雲水一茫茫

贈李叅政士清

兩世交承舊三年晤語新艱危臨塞日勤苦報君身藩
省銜初大邱園業尚貧公心元似水何處見緇塵

春野卷

白洲千載筆春野百年心雲白山無際草青江有潯杖
藜乘晚霽鼓瑟散寒陰人去遺書在悠然懷古今

望龜峰

望裏龜峰寺幽尋路可窮風塵四壁外天日一方中
水曲真疑斷雲盈不礙空往來題未了獨立嘆神功

醴陵靖興寺

古寺涿江畔僧閒喜客來殿堂分寶界鐘磬落瑤臺興
遠雲俱定情多雨未回舊庭元有樹若為老夫栽

湘東道中括杜句二首

江漢風流在坐來春水船蚤聞黃閣畫晴檢白雲篇節
上風塵際司存雨露邊朝班幾迴點奔走已三年

浦雷喧昨夜，灑滑限西東。
徑篠含風淨，林花著雨紅。
短牆殘草裏，高葉亂帆中。
長路關心在，瀟湘虛映空。

送鄭刑部汝華

鄭君瑚璉器，瘦馬亦隨行。
秋晚天涯別，山多溪水長。
眼應空異野，淚欲灑瀧岡。
直北須回首，郎星帝座傍。

送僧圓顯住慧山寺

寺據諸山會，公因一檄來。
夢驚松閣雨，歸掃石床苔。
得主憐西社，遺書弔北臺。
野雲心跡在，古洞傍泉開。

舟中和唐詩五首

遊少林寺

西出登封縣來尋古少林
幢開青嶂近鐘隱白雲深
雨積溪初霽峰遮日早陰
長廊詩刻滿拂拭倩僧吟

晚至華陰

西瞻自夙心歇馬向山陰
玉井連雲遠金莖入露深
半峰留夕照萬籟起秋林
往事今何在溫泉未陸沈

岳陽晚景

木下秋風起青山送雨歸日低真見落雲遠不知飛江
色煙中淡鴻鳴渚外稀倚闌情未極寒氣濕人衣

經廢寶慶寺

山中留古寺門對夕陽開苓露松春長鴉風鶴夜回佛
龕塵伏鼠僧榻雨封苔解得真空意荒涼未足哀

晚發五溪

晚鼓溪船發秋風動楚天月生洲杜外煙起渚鷗邊野
艇橫村渡農簑散水田夜涼何處宿遠思正相牽

三竺道中

人行松徑靜數里不知遙路轉還逢寺僧迎只過橋巖
姿收獨妙泉響息羣囂東去頻回首山花侶我邀

示吳憲

憲也來還去離懷奈爾何雨添雙澗滿雲隔九峰多趨
鯉承韋訓遷鶯和木歌源泉繞一勺江海有餘波

哭李徵伯三首

有序

吾友李君徵伯不幸已矣其訃至江西凡四十餘日

而後信驚疑悲感百思生于心非言所能盡也一慟
之餘畧叙成詩因便附達几筵徵伯有知其必有以
鑒我矣

安得驚心語疑真幸未真誰能知我意天乃奪斯人京
國同遊地江湖獨坐身更堪風雨夜愁絕欲沾巾

又

信也還非信東來近有書病憐秋省誤吟想夜齋虛標
格風塵外珠璣咳唾餘不須論舊事淚滿故人裾

又

多情如子少忍棄白頭親晚節吾方愛中峰孰與鄰月
仍留客夜風亦散朝晨欲慰無由往空然北望頻

留別婁郎中元善

廿載論交地溪山古信州晚園收碩果周道傍寒流天
與裁春服人將渡野舟夕佳軒外月還照越江秋

蘇門山

萬古蘇門勝乘閒一覽之秋逢收潦後泉看出山時濕

氣生清潤晴光動碧漪坐來心與湛昏黑忘歸遲

輓秦封君

寥落湖山晚伊人謝草堂子遲封尚蚤身隱道逾光杖
老曾于國祠賢合在鄉未能從弔客東望意何長

再至東海祠

東海祠何處茲山舊所遊帶緣禪語捨衣為旅情留鳥
弄峰雲定花開澗水流憑人訂遺像還似此翁不

宿池江

水落沙新白蟬鳴葉半黃鬱蒸仍午焰淡蕩自秋光夢
就書應擲吟餘牘未妨晚風生別渚起坐聽滄浪

九江贈馮戶部用見素韻

五載三曹彥登樓感舊遊帆陰連水岸簾幙帶雲邱
院靜風生鶴城春雨應鳩明朝有尊酒還擬為君留

送人

解擯不足作江上悲蚤秋文非今日贄道有古人謀
井惻泉初濺洋望潦已收千年陳榻後為我弔南州

輓姚提學秀夫

經濟平生志江湖遠奈何惠留吳地志哀起楚人歌卜
築溪邊小交遊海內多弔君追賦鵬愁絕洞庭波

上航夜泊

雪後過江驛平沙水半篙我方甘老懶誰復嘆賢勞峰
影雲中淡灘聲月下高回思十年裏幾度駐旌旄

將至鄔子舟中作

咫尺鄱湖水相將入楚鄉雨中帆力緩風外笛聲長

別時

船有吹笛者

夢渴山泉茗吟銷海島香

鍾元普送牙香故云

舊遊堪一

憩何處有甘棠

贈陳平江

南浦逢君處相看各問津
乘槎元有漢懷璧故無秦
帶礪千年地風波萬里身
東風淮水上古廟不勝春

過嚴灘

獨上客星亭羣峰雨外青
公心如介石吾道亦滄溟
出處輕商楫來歸重漢庭
漁歌朝又暮雲掩北山銘

女埠夜泊問章楓山

女埠薌溪上幽居路不遙
山風聽夕瀨江雨問春潮
清秩辭新命華絨憶舊招
何時拜床下鄙吝為公消

秋野用杜韻二首

河漢三秋隔星辰萬里違
客憐雙鳥去僧訝一人歸
相馬吾何有知魚爾亦非
春風故相愛吹綠此山薇

又

亦知樵逕窄且放釣竿長
夕籟成竽調寒潭發鏡光
小

橋當驛道精舍近禪房十月春如許疎梅幾蕊香

答孫山人

湖海有此客飄然何所投一瓢將水去雙屐為山留落
落彌明鼎茫茫太乙舟幾時盛水石古寺共尋幽

追輓蔣叅議惟深

憶駐西藩節觀風幾論心雲收廬岳遠水入蠡湖深正
氣埋邱劒餘音掛壁琴箕裘佳子在相對一沾襟

讀章恭毅年譜

國論非難定惟應敢諫難一封心自白九死淚如丹遺
像憑誰問新編許我看敢言容易拜東向欲為壇

聞白沙先生訃二首

不仕緣慈母山林七十年識高翻似劇語妙欲無禪未
肯桴浮海真將劒倚天滄波今夜月空向白沙圓

又

近讀慈元記知公用意深若非碑矗矗空有樹森森南
海諸陵淚東山十載心春秋遺策在請聽石翁吟

和盛漢臣二首

數年王事裏奔走愧纓冠行止惟天在絃歌敢自安雲
松看卧鹿風竹聽鳴鸞奉母餘春酒須君罄一歡

又

鶴老何年逝遺音在士林詩中空見面史外獨傳心風
月襟懷遠湖山夢寐深願君歌舊曲吾譜入吾琴

泉上答平江用姚少師韻

未了登山興樓船冒雨開不須留帶去便擬賜環來寶

劒時時拭甘棠處處栽醉吟吾老矣遲子有茶杯

慧山十賢堂成有作

萬古名泉地諸賢合有堂雲龕藏舊影水鑑發新光國
史千鈞筆鄉評一瓣香煩僧語遊客到此肅冠裳

麻姑山次萬長史韻二首

亭依青嶂曲路出綠蘿間泉聽雲中珮峰看霧裏鬟風
煙初曠遠花鳥各幽閒落盡西林日遊人始擬還

又

景與情俱勝人歸酒未闌與分秋籟與橋倚晚涼寒石
鼎詩中紀蘭亭畫裏看好山遊欲遍東望眼初寬

次許給事啟衷九日感懷因以為贈二首

南極開天詔春來萬物蘇節隨星動速槎向海浮迂鯢
運溟風翼龍收渥水駒故園聊暫駐松菊未曾蕪

賈涕頻封疏因詩復一號風塵人落落江漢日滔滔徑
晚菊生色庭秋鶴毳毛玉峰青瑣外何處賦登高

南安謁濂溪先生祠

一脈濂溪水中涵太極天契符三聖後冠冕四儒前庭
謁初除草峰尋幾問蓮略諳光霽在有筆未能傳

夜坐

聽雨山中寺蕭條對佛燈春懷偏惱客野興未嫌僧雷
似千峰動泉應一夜增壯心方激烈靜坐欲飛騰

王敬止使朝鮮卷

玉樹挺高標緋袍勅度遼風傳箕子國星動漢官輶沈
斥春回蚤封疆曉望遙清名滿東裔疋馬自還朝

徐文靖公輓詞

公為蒼生慟私還哭所知名成歸老日功在薦賢時風
采山中杖文章海內碑向來叅謁地風動古槐枝

登白雲閣待友不至

路左離亭北幽尋興亦多偶登仙閣坐又聽道童歌雲
遠雙峰出林深一鳥過長吟無和者奈此素秋何

秋溪卷

潢潦初收盡寒泉走白沙雲來疑鴈影雪舞愛蘆花有

客同書舫何人獨釣槎
滄浪纔兩語歌起水無涯

慧山寺次姚少師韻

十年酬遠興秋晚寺門開
山色空中落泉聲起處來
草香尋異品樹老問初栽
欲為茶神酌還將酒一杯

聞西園叔訃

素守丘樊節無書謁貴人
占從閑處熟吟到醉時真
北渚鴻何晚西園草又春
正懷家國念聞訃益沾巾

題觀松卷

散步古松陰清風吹滿襟
雨滋蘿薜密雲隱茯苓深靜
對寧須臆真知只在心
寒巖梅竹畔更許一相尋

贈毛淵之

寒風吹客衣之子正東歸
雲影連蓬島江光動少微
天邊棲鳳沼海上釣魚磯
折得梅花在還將寄北扉

過龜山

瀆廟龜山頂長淮日夜東
放船方海月掛席更天風
鬼物荒唐裏神功鎮靜中
濟川吾豈敢斯道正無窮

答楊儀部

驅馳山水國野興入秋多佳處每十宿浩然時一歌渡
江乘月坐題石帶雲磨為問南峰主相逢謂我何

德興思家

正是思家地山中更雨中林明初得月泉響半因風卧
榻辰瞻北巡車道指東慈闈無一字何處問來鴻

訪舒方伯本直

細雨深山路高風勇退人骨同仙入相心與道為鄰白

髮霜餘少丹崖眼底真歸舟逐煙水回首已迷津

金谿懷徐嘉興用濟

晚負蒼生望尋山只欲深孤忠天北極遺愛海東尋
霜骨全欺杖風髯半拂琴丹崖人似玉吾道愧知音

次楊澹成新春感懷韻

喜雪還愁雪人將謂我何不堪雷太蚤况復雨兼多
黃鳥聲全澁紅梅色半醺憑誰吹古律一笑轉陽和

將赴許州奉別西涯先生

我有文章願公今海內師南畿叨薦日東閣聽談時地
重憐才甚名高入相遲茫茫離與合何以盡心期

送鄒光大

分手金臺下東南望故鄉春隨三月盡水入五湖長愛
石焚香拜評泉挾茗嘗風光看不了一一付奚囊

次韻寄陸兵侍

仗劍風塵地皇言屬汝為一書知勝筭三月定還期露
檄晨馳遽圍碁夜卧遲凱歌催布穀草綠雨絲絲

聞工侍徐公訃

千里聞公訃悲深弔却難客衣新淚濕賓館舊盟寒南
國興居重東門進退寬誄詞書不盡江水易為乾

過天津見新築臺

臺起孤城外風塵地有餘奔鯨驚築觀飛鳥避儲胥鷗
白連漁浦楊青引漕渠它年志兵衛史筆定聯書

過滄州

指點滄州路秋來屢受攻一言符間法

賊圍城時城上漫有爾衆即我

衆語賊疑之
遂殺新附者

數夫奏奇功敗屋寒灰後荒城野浸中魚

鹽近何價欲問海濱翁

德州

北路臨流郡南來奉使身將憐初領地

謂守備
柱勇

器問舊

藏人

時地中掘得
火器若干事

獨立金湯險先登矢石親盜平看出

獵春草四郊新

夜遇高縣尹

時新除無
錫赴任

獨行寒夜清驚鳥時一鳴相逢即相別翻使客愁生微

論開新瘴幽懷抱宿醒臨分還致語側耳聽賢聲

清源別吳馬二生

二生先送予北來至是南還

衛水西風急將歸客去時愁難禁下拜苦不會成詩三月師應老諸州盜未夷慈闌問消息言喜莫言悲

二生臨行得家信

正恨慈闈遠如何動笑顏一書三月至千里兩人還歲月它鄉誤風塵此道艱何時拜家慶春酒對雲山

臨清都府感舊

成化乙巳予初領許州道經臨清時吾鄉盛都憲為巡撫實館

于茲予嘗燕焉今
二十有七年矣

憲府荒城裏重門倚茂林壯懷天地闊舊夢歲年深月
幌思秋霽風簷坐夕陰靜中軍國計一日幾經心

晚至臨清

汶水窮諸閘西來更衛川堤黃猶有柳浸白已無蓮驛
騎衝殘日城鴉起宿煙時時聞盜警烽火似三邊

武城夜泊

日暮路堪愁長河正北流風聲城上析星影驛邊舟賢

牢懷前輩

子游嘗為武城宰

儒官感舊遊

教諭謝麟江西提學時故吏也是夜來遠

送

黎明促南發漕卒正焦頭

躍馬泉

躍馬泉何在西巖洞北頭無疆坤亦健有本坎還流塊
歷風爭驟空行雪避道百年誰執御江漢日悠悠

諸公以將石聯句為贈次韻以答

泉已離山久誰教冽且寒無形成砥柱有價比琅玕重
在移時試清從激處看不妨江海上風雨落花殘

泉亭卷

此泉天下勝公乃愛泉人吾道今猶古空亭秋復春眼
明曾作鑑心渴幾生塵最喜前川水冷然却近真

答王進士演之

演之予臨行執手有謝
安東山之望感而成此

才短慙鄉國君胡問謝安自緣憂世切誰謂識人難行
卷詩俱漫離杯酒獨乾相思江漢外回首朔雲寒

容春堂前集卷四

欽定四庫全書

容春堂前集卷五

明 邵寶 撰

五言絕句 三十七首

匏翁東莊雜咏

東城

有圃城東偏石梁度幽徑隱然見東城不見東山勝

竹田

楚雲夢瀟湘衛水歌淇澳吳城有竹田亦有人如玉

南港

南渡通西湖晚多漁艇宿人家深樹中青煙起茅屋

桑洲

汲溪灌桑樹葉多蠶亦稠衣被盡天下美哉真此洲

全真館

何處適餘興尋師談道經隔橋雲滿屋鐘磬晚泠泠

耕息軒

隴上閱耕罷北牕清臥風幽詩讀未了夢已見周公

鴈洞

老鶴愛雲栖石洞自天鑿
秋風時一聲飛雲散寥廓

朱櫻徑

葉間綴朱實實落綠成陰
一步還一摘不知苔徑深

曲池

曲池如曲江水清花可憐
池上木芙蓉紅映池中蓮

題畫

日暮風雨惡咫尺不可去
危橋下馬過猶勝無橋處

湖上口占二首

不到西湖上于今二十年相逢多白髮山色只如前

又

畫船入西湖風光正春暮指點兩峰雲先尋岳王墓

松下作二首

泉流古松下松影流不去時方望雲霓誰留卧龍住

又

孤笛橫秋江一聲山月白蘆花起天風蕭瑟溪南北

題畫二首

銀河天上來不復上天去千載乘槎人應迷問津處

又

偶來坐松下愛此流泉聲雲山隔遙浦悠然空復情

春江曲

春色將歸去江南草正新南風亦何意偏腦欲歸人

有待

芳洲草青青雲水半吞吐前船已過湖還聽後船櫓

寄吳嗣業

茶香鄰酒國知味各稱仙何日攜茶具雲山共我泉

題文徵明畫

子畫見書法蕭然無滯情君看片石畔叢竹忽生生

雨過獨坐

暑雨過不盡斜陽穿濕雲雷聲近還遠隱隱隔江聞

為錢忠言題畫

偶艤北來櫂淮陰聽晚鐘明朝渡江去秋浦采芙蓉

和溪為程進士賦

家住萬山中雲峰翠幾重東山朝日出望見海霞紅

集句

不寐

清風何飄颻左盼澄江湘天高萬物肅松柏鬱芒芒通
波激柱渚大道夷且長願為雙鳴鶴施翮起高翔

遇王叅政汝言

蘭澤多芳草引領遙相睇河漢清且淺愁思當告誰我

有一尊酒客從遠方來臨河濯長纓樂飲不知疲努力
崇明德餘光照我衣

述懷

東園桃與李白日忽蹉跎左右珮雙璜徙倚引芳柯寒
衣欲誰待春風扇微和齊心同所願結根太山阿

有所思

蘭榮一何晚向風長嘆息褰裳欲從之磷磷水中石西
遊咸陽中入道逢深識駕鴻乘紫煙高舉振六翮

聞時事有感集李四首

松柏本孤直翠綠如芙蓉獨立自蕭颯楚山邈千重安
知天漢上乘雲駕輕鴻沈嘆終永夕世無洗耳翁

又

吾衰竟誰陳焉得偶君子倚樓青雲端千春隔江水大
雅思文王行行未能已鸞鷟有時鳴雄斷自天啟

又

長鯨正崔嵬世路有屈曲自挾兩青龍揮手折若木沿

芳劇春洲鳳，饑不啄粟樓。船幾時迴，秋露白如玉。

又


明月出海底，迴風送天聲。寶劍雙蛟龍，虛步躡太清。雲
卧遊八極，三公運權衡。努力保霜雪，羣才屬休明。

舟中懷李方伯惟誠集杜二絕

老去才難盡，秋天憶射雕。白鷗波浩蕩，寒水不成潮。

又

海內知名士，如公復幾人。千秋一拭淚，鼓枻視青旻。



容春堂前集卷五

欽定四庫全書

集部

容春堂前集卷六

七

詳校官監察御史_臣曹坦

中書_臣劉源溥覆勘

覆校官中書_臣康儀鈞

校對官中書_臣楊世綸

謄錄監生_臣張德燾

欽定四庫全書

容春堂前集卷六

明 邵寶 撰

七言律詩

九十四首

賜大明會典

絳函新捧出天衢十載文光照石渠
唐作一經徒託語周遺六典始成書
聖神功化三才裏今昔經綸萬卷餘
遐想先皇初詔日洞觀千古欲何如

醴陵旋節

三月湘東應召還君恩免過萬重山正緣歧路生愁思
總為庭闈動笑顏雲與新篇封石壁風隨舊節度江關
百年報答知何地只在丹心一寸間

歌風臺

欲上高臺水漫波向來遺恨付長河雄圖自謂千年少
猛士猶嫌一語多白日無端江草合赤龍何在野雲過
登臨更作它時約却向中流聽櫂歌

苦雨

江寒五月擁重衾雨滴空堦夜夜深無地誅求貧到骨
有人慟哭苦關心百川何處堪回砥三日它年本作霖
坐對青燈頭欲白敢言吾道在山林

擬遊慈恩寺用涯翁韻

春殘纔作探春行古寺尋僧懶問名近海景多頻立馬
對花情劇更聞鶯鏡湖敢乞君分賜寶地偏教佛主盟
却憶江南如畫裏萬峰青接水邊城

謁文信國祠

春色無端滿地莎傷心燕市偶經過清風又讀忠臣傳
白日如聞正氣歌社稷一身惟死是綱常千古有功多
瓣香未了平生拜回首荒祠獨奈何

答錢戶部世恩

梅村東去問前津自折梅花欲贈人別恨却尋何處在
寄聲翻笑向來頻魚龍漫擬秋為夜草木先知地有春
莫向尊前論出處綵衣公亦賜歸臣

聞秦修敬訃

太守官封處士名十年詩社忽凋零傷心忍讀蘇洵傳
好事爭誇許劭評下榻獨懷它夜永濯纓誰愛此泉清
故山回首相從地一曲哀歌萬古情

陸官詹廉伯輓詞

謾為斯文嘆寂寥長安誰賦楚人招江山奇氣還千古
臺閣清銜在兩朝門刺有名塵榻靜院燈無夢玉堂遙
西風落日銘旌短回首鄉園恨未消

李絳菴渠南一老亭

詩名晚歲滿江南却向渠南小結菴塵起污人聊作界
客來看竹亦容叅迹如盤谷還嫌僻計似菟裘已絕貪
不用丹青寫行樂白頭臨水影涵涵

通州遇老母生日

辛未

去歲茲辰正在家笑傾春酒對梅花日長自計還千笑
地遠誰教各一涯天上鸞書重雨露山中萱室自煙霞
憑誰為報真消息已謝秋風奉使槎

少師公祈雪齋居代啓奉問

白頭燈火玉堂深三嘆朱絃對古琴庭鶴夢清知夜氣
江梅花蚤見天心日將南至迎修景風自東來問捷音
咫尺門牆勞跂望五雲城闕漏沈沈

餘干寄秦擇之

別君風雨便隨舟剛得山亭半日留亂草沒泥還宿鷺
密雲籠樹更鳴鳩山中一館鄰僧寺沙際諸生雜吏郵
慚媿舊遊無可道湖船連夜發饒州

題顯公房寓泉窩

滿道清陰綠樹遮肩輿坐我勝乘車僧頭似雪逢應晚
山價如金欲敢奢一榻此堂真有否百年吾道果非邪
不須更索行窩記擊壤歌中日未斜

答楊杭州

京兆重分郡守符春風花鳥動西湖鄴侯功遠千年有
坡老情閒一事無益下真成軍國計虛中元出廟堂謨
還朝請畫東南水不但流民可獻圖

僧圓顯請記行窩以詩答之

隨意雲山放我歌不須文字記行窩夢回赤壁月還小
濯罷滄浪水更多靜定故知禪榻在虛明今謂佛燈何
相逢莫認鵝湖寺舊學無朋鬢欲皤

膠山忠定祠次施克和韻

壯懷千古了難償太息羣陰剥一陽鳴鳳未聞聲徵角
戰龍曾見血元黃薄茅藉處非無地老樹陰中合有堂
風雨去城三十里滿山簫鼓為誰忙

重登松風閣

天風滿榻坐參禪上有松聲下有泉高閣我來三紀外
老僧誰起百年前茶鑪夜濕曇花雨畫壁春銷劫火煙
最是瀧岡猶未表北山回首思悠然

卜居次西涯公

時公欲
居宜興

偶侍西堂坐夕陰可勝歡喜動幽襟鄰州卜築聞新語
晚歲依歸愜素心不朽功言方遠大本佳山水更高深
願教多植梧桐樹次第行聽彩鳳音

寄莊定山

幾年書斷定山翁極目江天送去鴻野史不妨朝報外
病懷長託醉吟中短筇向晚雲隨在小榻逢秋月與同
尚憶長安吟別地夜深風雨燭花紅

沛縣懷古次韻

臺有遺基水有濱漢家碑刻未成塵獨憐沛邑還稱沛
却笑秦人自滅秦猛士存時猶北顧故鄉歸日正東巡
城陰秋草孤舟路往事茫茫問野人

孟城即事

孟城驛前吟夕陽高郵湖上好秋光紅分菡萏初經雨
綠滿蒹葭未受霜遠浦有波皆浴鷺近堤無路尚垂楊
南來時見吳江棹却倚船窗問故鄉

經元世祖廟次王應韶韻

斷碑閒倚廟門斜往事傷心付一嗟春草長沙仍牧馬
晚風疎樹偶栖鴉角端虛憶傳神語劈正何從紀夢華
誰向瀆山陳酒海飛塵如雨亂聞蛙

和吳太史種竹

此君不作此老客庭院真應長綠苔古風藉汝數輩在
今雨從渠何所來歲晚簡書留石室月明環佩傍瑤臺
亦知逕造有故事一月須過三十迴

謝方石以祖母旌門有作次韻

懷清臺倚海天遙臺上風吹宿瘴消雲漢章回聯北極
山川光被表南條寧無鄉里評如史信有閨門禮似朝
白髮賢孫拜恩地貞魂應亦望層霄

遊從姑山

回首麻姑復從姑江中煙霧兩峰孤伊人似玉丹崖阻
吾道如川白日徂曾是待年終偃蹇也應閱世未模糊
晚來數點神靈雨莫謂巫山作畫圖

遊麻姑山二首

千載荒壇故姓麻劫灰漫道在煙霞泉流雲壑真能勝
海變桑田或是誇此日珮蘭貽水裔它年笙鶴問天涯
不須更索題名記八月星河有使槎

幾曲登登破嶺煙一亭一曲興超然開雲田畫殷人井

轉壑泉分禹日川，獨鶴每翔新表外。
雙松長倚舊壇前，顏碑謾為傳聞錄。
屈指于今又許年。

都下諸友聯句見寄用韻答之

千里懷人似望仙，春波碧漾草芊芊。
周京漢署天寥濶，楚纜吳檣地接連。
山下石鐘誰定論，江邊鐵柱或虛傳。
欲憑山水尋詩句，錄取圖經次第箋。

山行覓句

盡日山行苦乏詩，此山佳絕句難奇。
祇應使者孤吟在，

安得仙人一和之千澗水流皆獨往萬峰雲起似相期
春來漫興何須記它日重尋亦未遲

東林寺

東西林在萬山中石塔稜層見遠公人結淨緣還未了
天留佳境本無窮千峰雲影朝還暮一夜溪聲雨更風
欲覓蓮花何處是舊池惟有水涵空

謁李忠文公祠

江上孤城盡力支忽驚風急仆旌旗已無天訴吾窮矣

空有人書某死之不負大魁真此地終為厲鬼是何時
何當合祀余安慶再刻文山雙廟詞

送徐畊隱

畊隱少師
公叔氏

白頭京國為誰來星聚應占近上台天下仲淹元老在
山中宏景隱君回竹林有句人爭和雲岫無心鶴漫猜
相業家聲千百世義莊新倚泮溪開

別後憶張元之

敝裘羸馬未勝寒近別其如數會難郢國書來心獨切

江州衫在淚初乾月明西寺陪僧坐天濶東樓挾客看
憶昔不知今又昔玉河風雪夢長安

夢松露公

几杖相從十載前東曹齋閣故依然遠書淚落西江

水寶提學江西時嘗得公書有林下不能忘之語

舊夢心懸北闕天

在浙江時又嘗夢與公同

朝入秋渚孤鴻還信信春風嘉樹自年年平生手疏遺編

在海內于今已有傳

南昌感舊

舟行何處不通津六載章江憶舊巡南浦但知乘傳客
西山獨識倚樓人壇松月靜齋居夜庭草風和燕坐春
還向東亭問叢竹別來煙露幾回新

湘東夜宿

到處春禽弄碧楊山行三月雜暄涼宜春臺上吳闕遠
萍實橋西楚路長使節乘風朝渡水客樓聽雨夜焚香
憲臣自識均勞義不向長沙弔洛陽

哭王都憲汝言

未盡平生已蓋棺中丞風采易為冠君臣藥籠諸藩小
江漢戎衣六月寒歲月幾何驚世短風塵如此歎才難
舊遊却憶錢塘上淚滿遺書不忍看

贈戶侍王德華分賑東行

燕山東去馬駸駸百姓應知使者心野有赭衣人似獸
途多菜色米如金天開岱嶽增新觀春到甘棠復舊陰
若過青州須弔古范公祠下石泉深

謁謝疊山祠

從容就義幾封書三百年來養士餘商老不知周粟富
晉人方恨楚材虛庭留舊柏生同勁鼎薦新薇死亦臞
有詔作人無事日江花江草正愁予

謝方石先生輓詞

我歸林下公長逝千里詩筒望不來海隱本非唐少室
山居真似宋徂徠雅歌何處聲相和野服它年手自裁
有石大書明祭酒古松陰裏墓門開

謝邑令請鄉飲

迷途歲晚尚茫茫謂我嘉賓詎敢當揚舲有人慚杜舉
承筐無地想周行一經講受曾宅日三老周旋即此堂
為語縣侯休見訝萊衣方作小兒狂

太伯廟

太伯新祠古讓鄉老梅根畔水流長十年夢寐三間屋
萬古綱常一瓣香扁榜大書元自孔

廟額曰至德

衣冠遺製

合存商向來曾擬荆蠻曲許作迎神第幾章

與毛三江訪匏翁故第暮歸有作

久矣門牆夢寐中偶來還喜故人同賦詩尚有庭前樹
醒酒兼多竹外風百歲遺情孤綠野一言嘉惠重南宮
甲辰放榜日公在禮部堂揖予而進之謂
諸公曰此邵國賢也予至今感之不忘賢郎不負箕
裘語地下真堪慰乃翁

通州遇老母生日

去歲茲辰捧壽觴一時冠蓋總成行
萱從薊北還新夢梅到淮南有蚤香
寓客館看東野線望慈闈著老萊裳
稀齡只在明年是春酒親持笑上堂

答成戶部汝從

一日看君或兩過相思還問夜如何
西風烏鳥聽時切南國梅花夢裏多
吾道也知元尚白此心空有貴如皤
舊傳康濟無它術數觥縕綑是太和

次崔世興西郊韻

炎風吹雨滿山陽

時在淮安

正想西園七月涼
醫國自知投

藥苦登山猶怪賦詩忙
篇章獨得君多有
几杖相從我亦嘗
撫卷匆匆又陳迹
江湖回首寸心長

途中次白叅議輔之

舟行數日遠塵歎秋旱長河潦未消程趣漕兵無邸閣
報傳候更有津橋道傍垂棗全供鳥野外飛蝗半食苗
幾度觀風入村落與人堪誦不堪謠

登盱眙山憶陳明之

汴泗南來見此山米翁書在翠峰間唐人漫詫僧歸塔
宋代曾悲使出關新計忽迷雲樹碧舊題空拭雨苔斑
欲登高處誰相伴黃鳥聲中一嘯還

和李方伯惟誠

西湖煙樹曉依微正是平軒憶我時采石眺緣仙客晚
金山留為故鄉遲席隨真氣真成畫筆寫幽懷不當詩
它日別情君記否映江樓上酒盈卮

劉廣德介夫至

千里緘書兩日前今朝丰采復依然金蓮寺裏觀風地
白鹿齋中聽雨年夜雪夢回開小逕秋濤觀罷乏平川
梅花已有真消息不用江南驛使傳

十賢祠用唐人韻

千年祠宇此重開
獨為諸賢酹一杯
澗石不隨龍化去
嶺雲還與鶴歸來
春風谷遠嚶嚶鳥
夜雨庭深點點苔
聽罷雅歌賓客醉
共教童子汲泉回

又用唐人韻

九峰迴處石泉幽
逝者應知感舊遊
萬里風煙吾白首
千年林壑此清流
松筠無恙時方晚
黍稷惟馨歲有秋
却憶匡廬歌嘯地
幾回春草鹿呦呦

除夜雨

爆竹聲中破積陰東風庭院晚沈沈
閒評經世何人手老惜流年此夜心
宸極有臨香几近慈闈無恙酒杯深
呼童起聽南軒雨却報梅花已滿林

寄秦提學國聲

憲學名官媿我曾得君相繼價逾增
鎔金有製元隨可璞玉無形已付能
河廣正誇杭一葦崧高還愛駐雙藤
許州品士亭如在校罷諸生請試登

李惟正燕子通州漕府感舊有述追懷張中丞

邦鎮

舊館苔荒郭外坡

己巳冬予寓此四十餘日

故人相約又來過昔年

盟有鶯聲在
宅夜詩如樹影
何東道意勤
三設燕南風
調遠一賡歌
却懷襄野經
行地沙草茫茫
隔潞河

送吳方伯獻之赴山西

三月行旌度太行
和風甘雨百花香
吳公舊政曾於漢
晉國餘民本自唐
雙闕每瞻星北極
諸邦兼領甸西方

不須久作江湖念回首從容是廟堂

雨坐有懷

蕭蕭風雨不知春獨坐東亭感慨頻四海有懷非我力
百年無愧是誰身翠留竹節心期遠紅入梅花眼界新
尚覺平生詩興在短吟須寄社中人

曉發南浦

西山南浦隔江流又作新春第一遊舟趣微風斜渡水
輿穿宿霧漫經邱此行更切真才望何處還多麗景收

東向匡廬興無限五峰青點白雲頭

得錢希翁詩簡

雲屋傳得步虛歌回首蒼生奈爾何
觴酒誰家延北海辦香它日謝東坡
江湖秋水腫兼碧花鳥春風鬢獨皤
共說陶潛能避俗却將心事託荆軻

贈周作之

別來風旨轉深微雨雪青燈坐掩扉
江晚不堪滕閣眺春初應及楚帆歸
尋常未必鍾期少五十何妨伯玉非

它夜南沙重下榻匡山雲尚在征衣

次作之

鄱湖木落天雨霜故人西來故意長
劇談今古每半夜漫閱乾坤還一陽
也知白鹿昔年夢却憶紫陽何處鄉
勸君且束舊詩卷回首春風踏去航

奉次少傅徐公內閣賞芍藥

五雲輕閣鳳樓陰春入雕闌故故深
培植敢忘明主力調和真見老臣心
彭城譜絕看新續魏國盟寒許重尋

却與長安添紙價詞林傳和賞花吟

謝少傅公惠梅子

誰將碧玉鍊成丸寒逼人間瑪瑙盤數顆忽分元老賜
十年如在故山看清含曉露真消渴老向春風常帶酸
嘉實祇應金鼎內調和功在頌皆難

叫巖次陳戶部嘉言

師子逾江漫作奇此山真有物司之懸藤不與雲俱化
浮石應隨鳥共馳郡將遊來曾易榜

談廣信嘗
改為笑巖

民曹別

去肯留詩山僧莫訝登臨晚日落高天為我遲

聞吳甯菴轉南京學士二首

山水江南是舊遊公來誰不擬仙舟高陵雲護鍾山曉
清禁星連閣道秋新制有詞全逼漢舊章無恙正從周
封君老向荆溪上十日三書慰白頭

清風每有江東興此地我知公欲來天上靈槎連震澤
人間嘉樹近蓬萊風雲長護宣麻署日月遙臨視草臺
間道老槐當卧閣北扉回首是三台

張家灣東遇王叅政德華

晉溪北上我南遊
潞水東頭半日留
何處可忘君父念
此行須為廟堂謀
百年雅頌知能夏
千里歌謳望有秋
指日王師收戰績
勿言江左舊風流

釋菜濂溪書院貽王僉憲景昭

一脈濂溪萬古天
江州名自道州傳
有神真與泉俱活
無象還留月自圓
將濟晚舟猶滯在
未成春服已悠然
東風昨報新消息
許我重栽玉井蓮

謁東匯澤陳先生祠

團山坳裏奠公堂何意重來致辦香史及闕文憐誤豕
禮將求野幸存羊心精已與經行世德義元堪社在鄉
尚欠新碑書歲月祠官稱秩有封章

陳方伯晉菴輓詞

歸雲堂下雨毵毵哭寄長歌為晉菴詩律獨追唐逸響
史評常陋晉清談入叅台鼎階無幾退謝藩垣疏有三
百歲高名碑石在松陰十里錫山南

過南康

突爾匡廬又眼前
白籠雲氣碧籠煙
天留風景都無恙
我與山靈故有緣
晴雨漫須詢五老
寒暄忽已計三年
獨憐渴思今如許
為汲開先寺裏泉

見五老峰

倚權看山到辰白
雲何意不隨人
久要未恨相逢晚
遠望還輸獨對真

獨對亭在五老峰下予所作

坐客眼青高踞榻飛

仙髻碧淺籠巾
它年問答應多事
一笑而今共出塵

予至

廬山有與五

老問答詩

讀成布衣祭忠文

成器餘姚人正統末聞劉忠愍死獄即邑中龍泉山頂為

文祭之祭畢以餒殍諸同志其文歷述古今權奸之禍凡二十餘言人謂之祭忠文今具

地謂祭

忠壇

萬古興亡淚滿箋一壇遙憶祭忠年大書筆在憑誰執
高調歌沈待我傳無地可投湘水裔有天應照越山顛
布衣閔世尤堪弔何處松楸是墓田

括王勃詩

高臺迢遞絕浮埃俯瞰長安四望開
綠樹搖風春澹蕩赤城映日曉崔嵬
倡家今夜銀鞍去戚里它年翠蓋來
不用哀歌對明月柏梁銅柏總莓苔

送楊衢州磐

秋晚山城別駕臨水清石淨萬峰深
風迴祥鳳輕千仞日轉甘棠愛寸陰
吾道百年皆此地斯民三代復何心
趙公祠下瞻趨地共訝今來又一琴

憶東林精舍寄示華生雲

東林寺裏舊書堂三十年來野草荒百轉未忘初鳥韻
一株猶剩晚柑香山懷龍阜神俱遠水問梅村脈故長
寄語雲生為磨石客中新記已成章

舟中有見憶老母

老梅花吐北堂前春酒初成婦薦筵事與志違頻易地
心為形役幾經年天恩於物真能厚子道如臣敢自偏
檢罷計書方靜坐不堪鄉語過吳船

兩過德州未謁董子祠詩以志過

地產醇儒郡有光
兩來猶未謁祠堂
春秋義已傳遷史
誼利心曾辨粵王
拜位定依庭柏影
薦儀空託沚蘋香
孤城回首風塵裏
讀罷遺書送夕陽

憶母

手線縫衣欲問寒
慈顏時向夢中看
世間盡道為官好
天下無如別母難
讀罷家音添鬢白
書成國事刺心丹
青燈自照埽河夜
回首江南路渺漫

再至德州

八月 中嘗寓
永慶寺數日

奉使南來又德州僧堂還記舊淹留
星明北極天初霽
風掃中原霧已收
野曠尚餘千里水
漕荒應負一年秋
諮詢未盡皇華賦
罷牂羊獨倚樓

滄州聞官軍之捷寄兵侍陸公

露檄傳來捷是真
滄州南望正勞神
功成魯國追戎地
斷許唐年入蔡人
有夢維魚應得水
此風何草不回春
北辰瞻仰朝廷近
欲擬韓詩獻紫宸

再過清獻祠

江迴春水沒荒磯石上看詩記舊題
吾道百年開白日公心千古映清溪
鶴留古貌何妨瘦松長新枝尚恨低
却憶昔遊如昨日楚雲遙接越東西

次吳太史雪中見寄

玉河東下似山陰騎馬如船雪滿襟
吏散偶忘前日約詩來真見故人心
寒侵松骨知多少春入梅腮定淺深
欲賦瓊瑤報佳貺獨憐才短負知音

弔李憩菴公墓次莊定山

蕭蕭宰木晝呼風舊壠新阡北又東防墓未須修孔氏
瀧岡真合表崇公兩朝一德功何自五歲三封眷未終
更愛頌聲金石在碧天無際水無窮

聞陳行之訃

俗學如俳到十分玉溪高興漫超羣著書筆自何時閣
曳杖歌從昨夜聞絕壁倚雲青未了落花帶雪白還紛
哀吟一曲無人和擬向西山更哭君

贈祝惟貞致仕南還次陳一夔

鶴骨稜稜苦為詩年來此癖已成奇與君撫卷俱陳迹
及我登壇竟後期聽鳥有情嗟反哺折花無語贈將離
文星夜夜天南極千里長吟寄所思

通州留別李都憲惟正

潞河堤上望渾河諸老追隨幾度過春興有餘三月小
夕談無數十年多東郊正爾歌靈雨南浦何須賦深波
邊馬不嘶青草潤中丞問俗意如何

白鹿洞三首

五老峰前數畝宮坐憑雲水鎮南東山人骨相千年外
洞主心期一賦中題壁定知誰不朽望洋真覺我難窮
太山頂上蓬萊近何處青鸞欲御風

青山坐我對青衫弔古情多漫與談眠鹿已無人主洞
卧龍空有地名菴百年講坐慚虛左萬里驅車願指南
吹醒清風天未晚共誰長笑破煙嵐

風雨崇朝洗宿嵐古壇高倚五峰南坐看雲氣秋生壁
卧聽泉聲夜繞菴杖履正堪成雅集絃歌猶恐落清談

殷勤好語來遊客莫遣飛塵上舊衫

送邵僉憲用之復任山東

滇海歸來老使君東行還共泰山雲
州兼青兗雙旌去天近滄瀛一道分
何處秦碑猶可識它年漢詔漫曾聞
須公高攬澄清轡馬首西風日未曛

送周工部元弼

水部官憐初拜日金陵地憶舊遊時
未應歲月閒供吏最是江山巧索詩
秋色催人移棹急客懷逢雨出郊遲

靜中經濟堪料理笑把清樽有所期

雨坐漫述是日郭仁宏寄小像至

鏡中愁鬢欲成皤新畫應慚郭泰和花謝曉風方恨急
麥收春雨竟嫌多曲房辟濕頻燒水單袂生寒重易羅
滿院青枝飛燕子扣門時有客相過

容春堂前集卷六

欽定四庫全書

容春堂前集卷七

明 邵寶 撰

七言律詩 九十六首

鳳陽謁陵

鬱蔥佳氣接邱壇

丘陵在園丘南

真向乾坤得大觀
歲舉留都

周冊祝月遊原廟
漢衣冠九重陟降天
應近萬世栽培地
本寬瞻仰不勝心
頌在無疆休與泰山安

雪中賞紅梅奉次涯翁先生時遽翁攜酒共飲

懷麓堂二首

淺絳英英忽滿枝春風到此復何之正憐與雪相逢地
却訝如人欲醉時南國已通千里信西湖空負一生詩
白頭二老青燈夜笑對江東綠酒卮

江南春色渺無涯借得芳枝似酒賒點染已經元老手
品題還許大方家丹心獨對年年樹玉貌空傳處處花
雪夜門深清夢遠敢將桃李向人誇

又疊前韻荅邃翁先生二首

誰寄江南第一枝歲寒如有物司之天於北道留餘地
人為東君惜後時太素風流難入畫半酣顏色最禁詩
平生鼎鼎心知在且共西堂雪夜卮

金鼉山畔洞庭涯咫尺寒香道路賒雪夜不迴仙客棹
春風元在相君家地應有律能生泰天亦多情為雨花
投我瓊瑤何以報擬將歸向北堂誇

雪酒為孫司徒賦奉次涯翁先生

元酒曾聞侑大烹釀來寒雪品尤清也知承露能高致

須信藏冰為曲成光動夜盃如有物暖銷春壑本無聲
相看莫謂人間味一滴先天萬古情

得見素公書

素老書來蜀道長洞庭春水正茫茫出羣才本安危寄
習隱心應去住忘夔府孤城看落日杜陵野客夢滄浪
遠人欲挽難為計共指方平像在堂

寄李提學獻吉

鐵柱宮前春水深幾迴清夢憶登臨新亭有客還題壁

舊曲何年為入琴高士榻虛人似玉此君堂小地如金
近來又讀宗儒記回首匡廬萬古心

文廟陪祀次柳方伯拱之

惠風入夜細吹衣坐愛宮牆咫尺違星破密雲看漸朗
塵消凍雨恨猶微夢餘真覩殷楹奠語次空傳點瑟希
此意欲從何處道東堂燈火兩冠巍

時林方伯同齋

登滕王閣

望盡江湖極目天滕王樓閣尚巍然雲中帆影寒流外

雪後簾光夕照前
它日賦曾傾客坐
何人遊更挾飛仙
廟堂遠念諸公在
回首層霄北斗懸

袁州謁韓文公祠

一上春臺草陸離
忽瞻遺像起遐思
江山恨少滕王賦
風水愁多二女祠
石廩不知雲去地
雷塘猶想雨來時
憑君莫引飛鴻望
萬里騎龍任所之

次白洲公

時公起撫
治鄖陽

且臨峴首弔羊公
回首台階近九重
千丈崖堪供巨筆

一枯酒為慶奇逢謝安山卧曾江左召伯風行又陝東
麟閣崢嶸它日地丹青能寫漢臣功

奉次東山公在廣元夕觀燈韻

尋常詩句亦黎元垂老丹心照海門且以數杯酬客興
何曾一飯忘君恩漏聲入夜風全靜燈影乘春月半昏
聞說總戎多解事漫將歌吹過江村

別廬山

山北山南幾度遊春風到處得相留鹿聽李渤祠前曉

菊采陶潛宅畔秋星落半湖蒼島出泉分雙澗白雲流
五峰明月新亭興它夜江天獨倚樓

歸興六首

曾從渡口賦桃花

辛丑下第歸有過桃花口詩

客路風光幾歲華

郡十年還入省漕渠數月竟思家星辰近聽趨朝履河

漢虛隨奉使槎斜日倚樓滄海上雲山回首一長嗟

東歸詔許省慈親瀛海西頭問舊津宿麥穗餘三月餉

枯楊皮盡幾家新平生酒慕蘇門老

康節詩有曰美酒飲教微醉後予嘗

愛其意
故云

它日美憐潁谷人聞道王師頻報捷中原今已

息風塵

鎮日衝風起九河沽潮東上不勝波雲蒙日影當晡密
雨送雷聲入夜多野史一書還夏五客燈十載幾連窩
新涼却動江南思卧看青山聽櫓歌

漕堤楊柳昔人功六月清陰處處同東國共看歸海水
南船方趲過淮風尋常民俗兵興後百萬軍儲歲輓中
我有辦香何所致禮官新祀宋司空

艤櫂來看治水碑沙灣堤上蚤涼時漢防故跡嗟誰志

禹貢全書媿我師

予十五時從俞蒿菴先生受尚書在諸生中獨不許予讀禹貢撮要因舉

武功治水事以期之後三十年總督漕運未能成功於是乎媿焉

鐵柱尚存塵漠漠鹽

舟不至草離離憂勤更憶東山老白髮江村一短藜

湖上飛雲小作陰龍神祠下水流深河渠未預千年計

闕里徒勤萬古心

久擬往謁未果

驛報正愁聞魯警

是日聞有小寇在東

平權歌初喜聽吳音

松江糧船至

順流東下三千里一笑清

風忽滿襟

分司夜閱卷

肯信行臺是隱居
手寒中夜尚披書
冰霜氣逼庭初靜
星斗光臨戶正虛
漫道相人如相馬
極知觀理似觀魚
九重方切真才念
獨對青燈意有餘

青雲峰用元人韻

眼中感慨幾千秋
第一峰春翠欲流
跡為古人須下馬
興當今日可登樓
冰霜以後花兼鳥
山水之間縣復州
采得寒梅香滿袖
更從江上問橫舟

建昌道中見杏花

臨川梅花尚在眼
盱江忽復杏花紅
山行遠近百里外
春色淺深三日中
有力已能知夜雨
無心那復問東風
明朝又向南豐路
却聽鶯聲處處同

小溪道中

春雲收雨寂無功
詩景依稀在眼中
南去驛連分水嶺
北來船趁上江風
細泉落磴深成碧
幽徑垂花淺著紅
玉枕有名何處是
令人却憶白沙翁

送金潮

萬壑清冰貯玉壺相逢却訝是塵途
穎師妙已傳琴操米老奇還託畫圖
白馬五陵初入薊綠楊三月又歸吳
憑誰為賦行吟地雲滿青山月滿湖

寄姚都水秀夫

疏浚功成數十州東南應免九重憂
奈何水部稱多病却向鵝湖訪舊遊
燕頤暄涼憑候鴈楚江晴雨問鳴鳩
草玄聞有平生意須及揚雄未白頭

答潘維本

官忙十日九在省客邸勞君過幾迴
片紙漫投今世刺千金曾弔舊時臺
江長雲外鴻還去秋老山中菊正開
却憶湖南湖北地和君詩罷一徘徊

聞三原公訃二首

五朝進退盛明時四海瞻依百辟師
散地尚堪棲老鳳格人真合擬元龜
紫宸陞遠星辰切綠野堂深日月遲
韓富勲勞司馬望大書誰作墓前碑

載起登廷七十餘兩童足馬老生如四夷相問相司馬
十載獨知師敬輿咫尺天回書侃侃萬間人庇屋渠渠
典刑已矣遺文在西望三原淚滿裾

還自長沙未有述作謝沈休翁

休翁謂予是行必多述作於是

愧乎

謂我南行大有詩鄙人何敢與聞之瀟湘尚憶虞巡地
雲夢寧知楚獵時木落洞庭秋復爾鶴來赤壁夜何其
登高坐待浮雲盡回首青天見九疑

過長沙不得謁賈祠

巨筆誰修漢一經治安策已動天聽莫無可藉茅空白
采不堪紉草正青舊井定通渥北水新祠真應斗南星
獨憐鵬鳥翻為瑞萬古清風滿石亭

生日和答王河南公濟

新植甘棠未作陰生辰忽向冗時臨人間樂事還萊綵
天上佳音有傳霖近不可親鷗似玉淡猶堪賞菊如金
岳樓記在何能讀慚愧希文萬古心

答魏憲使士華用公濟韻二首

三禮周旋起一經
鳳皇鳴動九重聽
愛雲曾袖匡廬白
題石還磨劒閣青
范記讀餘心耿耿
楚騷歌罷鬢星星
長沙回首相思極
路隔湘東幾驛亭

閒倚船窗看水經
滄浪歌起隔江聽
霜臺簡自它年白
雨寺燈猶昨夜青
秋水南湖千萬頃
晚雲北斗四三星
重陽已負登高約
何處尋盟更有亭

次魏士華韻岳州道中

嬾賦新詩記所經誰歟能為我歌聽日生涼色荒荒白
山露寒姿疊疊青晚席洗觥分急水夜船櫓鼓視明星
長沙有約君先到何處登高倚草亭

新祥宮漫述亦用前韻

懶聽道士誦仙經却愛吹笙隔院聽江上雲應無數白
雨中山亦有時青囊琴正迓來今雨匣劍還將拭舊星
莫道深秋佳趣少菊邊修竹故亭亭

邃菴先生約登金山

世間誰信有瀛洲奇冠江南第一州
龍窟不知何事露星槎真向幾時浮
石分砥柱還孤注水入滄溟正急流
更上留雲窮望眼海風吹浪晚颼颼

留別沈休翁

湖南會本自江東二十餘年氣味同
此去春違丰采外向來心在簡書中
杜陵門徑還今雨司馬衣冠更古風
西望武昌江漢表雲連黃鶴倚晴空

追悼鮑菴公

天壽斯文為國華
枯藤瘦樹著新葩
無書謝客門長靜
有夢懷人室未遐
十字誰題君子墓
一編自許大方家
梧桐高倚菴前月
鳴鳥寥寥噪暮鴉

答陳提學文鳴

楚帆連日阻南東
到處魚羹老母同
春水穩當新漲後
晚山青在舊遊中
宦情於我聊今日
師道如公自古風
遙想樓船吟眺處
瀟湘千里一虛空

采石登謫仙樓

濟上登樓已十年茲樓興在未登前何人不道詩能聖
昔日空傳酒解仙舟楫心期風乍起屋梁顏色月猶懸
畱題詎敢輕磨石萬古江山一慨然

望廬山用舊韻

曾從王守問山菴神思飛馳不自堪有意一亭攜客賞
無言五老擬禪叅朝宗江漢心初北夢寐煙霞眼正南
我憶舊遊多述作憑誰刻向卧龍龕

舟中望九華山用李韻

微雨初收草似茵
九華山色欲迎人
援琴正恠知音少
傾蓋何妨識面新
溪汎綠波纔隔夜
樹垂青子又餘春
風濤宦海今如許
何處尋仙問出塵

龍興寺述事

時王晉
溪同遊

佛殿莊嚴似法宮
聖恩偏注此山中
南朝寺在俱凡界
西竺僧來自祖風
畫棟本連陵樹碧
綺疏曾映苑花紅
題名幸與司徒後
恠得行旌懶向東

舟中讀匏翁詩

不見此翁還此詩讀詩真想對翁時
峰迴深谷樹重疊
渚漾輕波草陸離
載道絃歌鄒魯國
旅庭彝鼎孔周祠
平生海月菴中興
應許藤床竹几知

齊安晚泊時榮藩初之國偕二司迎之

漫向東坡問雪堂
雪殘寒日正荒荒
地名自是因人重
客思那勝為國忙
萬古江流從禹貢
一時風力有周郎
召南曾賦甘棠樹
誰遣春陰遍楚鄉

謁蘇祠用前韻

去公千載我登堂春草離離若與荒雨露不知天地闊
江山應笑古今忙官衙漫逐三司使民瘼愁聞百里郎
何處有靈還可弔舊遊隨地是吾鄉

時黃岡縣知縣
以民事來白

望東萊墓

內白亭邊墓道開辦香深擬拜東萊風雪有象公何在
棠樹無歌我却來兩月近思真定本千年大事未終裁
白雲回首山中寺寒日荒荒徑滿苔

觀誠意伯像于處州

一代元功百世豪遺容瞻處麗陽高天留湯沐田無稅
人效明裡澗有毛莘野不妨初就桀草廬猶恨未誅曹
萬峰指點青田路斷石枯松望眼勞

山中夢希翁

江濤夜寒公不來

予為文祭翁有廬山之陽有堂有壇遜公不來江濤夜寒之語

公來

入夢亦奇哉百年知己惟心在萬事隨人可力回望久
更無誰下榻興多惟有獨登臺欲將五老峰頭樹移向
西湖掩裏栽

山中懷楊儀部

周九江云得儀部書有遊廬山之興

未得登君野興堂
兩年清夢獨難忘
笑談每怪逢僧健
文字猶嫌應客忙
山月掛松真灑落
海雲迎鶴更昂藏
吳天楚地同秋水
老盡蒹葭一夜霜

讀釣臺集用陳白沙韻二首

莫將身世較行藏
釣石能增處士光
青眼屢煩真主顧
白頭端為故人昂
雲歸故嶺龍應懶
蘋委空江水亦香
九鼎一絲形迹外
儘教俗客笑荒唐

從來自信任人疑一寸丹心付所知白石有情依古廟
青苔無賴上殘碑芝從商額猶知主魚向磻溪已得師
未到桐江空仰止數章新和白沙詩

石鐘山

九江怒逼蟲濤東獨受春撞萬竅空人籟總輸天與地
石聲還藉水兼風數椽僧結雲厓上一舸仙乘夜月中
何處別尋吳季子只留餘地待銘功

九江靖忠書院

歲時江郡薦江蘋異代衣冠畧近真九死竟還唐社稷
一生惟識晉君臣菊松尚擬它年晚桃李聊增此地春
莫道近來公論少廟門題額是何人

廣信遇龐大叅元化

兩省分司偶此同不堪信宿又西東衣冠元重藩臣體
議論猶多國士風春殿香煙趨北闕夜堂燈火坐南宮
它年更有相逢地又引鵝湖入話中

送馬叅議公御之陝西

外省元兼內六曹使君西去更賢勞
迎舟風助黃流急
隨馬雲分華嶽高
遠道誰教歌憇
爰豐年獨遣問
啼號
一尊未盡臨岐思
寒日荒荒滿節旄

夜坐懷劉用熙

蘆泉本是神仙骨
誤落人間識者稀
聽竹每聯風雨榻
涉江曾製芰荷衣
臺荒薊北千金葉
帆遠吳西一鶴飛
寒日蕭蕭那可度
憑君預拂釣魚磯

送工侍徐公致政南還途中有作

祖帳東門久不陳
古人高致又今人
闕庭回首風光遠
岐路關心雨色新
圖畫應傳千萬本
經綸方倚二三臣
送君濯髮滄溟水
晚節堂前戴角巾

吉水遇王敬止用送盛斯徵韻

江聲初靜晚風輕
千里關山可計程
獨立已為它日重
相逢真使故人榮
望窮蟬蛩雲猶密
歌罷滄浪水正清
笑折梅花對搖落
不須楊柳管離情

送喻祁陽時

永州南隔洞庭深令尹之官動楚吟展驥誰憐龐氏足
捕蛇偏感柳侯心行春駕遠歌盈路簾畫庭閒政在琴
何日徵書君莫問東風郊野看棠陰

送張淳安羽

清才往往愛君詩百里為郎奈別離州縣未為吾道屈
江湖真見此行宜水連晚渡寧辭遠春入山城却恨遲
更愛公餘多古意蛟峰高處讀遺碑

高梁寺次趙栗夫韻

春晴方喜入山深古寺高梁故故尋江上詩囊連日興
雨中禪榻隔年心竹藏幽徑雲初合松倚高壇月正臨
指點匡廬何處是萬峰回首問東林

謁闕公廟

許州

本來報効非心事死後英魂肯再遊白日在天書一紙
清風如水廟千秋伏橋有志寧臣趙左袒無期獨為劉
半部邱明真得力兒曹空解頌君侯

謁子產祠

一上高臺萬古情相君何在但留名論經孔孟真褒貶
世到春秋有戰爭西北封疆猶接晉東南形勢直吞荆
如今想像馳詞地廬井荒茫畫不成

大忠祠

慈元殿上朔風侵講罷孤臣淚雨深行在更無南去路
中興猶有北來心一言竟免青衣辱萬古終悲白壁沈
世亂經綸亦何濟大忠祠下柏森森

贈李天瑞

癸丑十二月廿一日天瑞自京師還
過許留三日別去用西涯先生韻

坐聽寒漏二更餘一榻全勝兩地書
愁到幾時憑我解病從今日為君
除雪泥滿地淹行李雲島如天阻卜
居莫怪明朝欲投轄江湖回首鴈應
疏

哭天瑞

百年豪氣未消磨北騎南航苦更多
戀闕有懷隨口是乞祠無計奈身何
山連巴蜀雲層瘴春入瀟湘水漫波
最是遊魂招不得隔江愁聽楚人歌

送萬晦之

南陽有約欲相尋
回首清風別潁陰
魯望江湖從故態
少陵花鳥負初心
詩邀佳境雲隨杖
夢破殘更月在琴
歇馬煩君問諸葛
草廬無徑落華深

登九江郡城樓

潯陽之東東城樓
秋日喜陪諸老遊
水深已失江九派
雲遠還容山一頭
西風爽氣自荆益
南極清光當斗牛
有懷晚在蓮峰下
千古美人周道州

餘干東岡咏懷一首用虞邵菴韻

誌稱晦翁
弔趙忠定

嘗館于此始注離騷焉晦翁之注騷意固有在蓋以屈原比忠定故詩中及之宋人冠冕謂忠定也

東岡正在行臺東我登其巔西日紅宋人冠冕竟誰作
吳地舟航元自通康山戰罷蛟無穴鄱水禱回龍有宮
千秋莫問注騷事宿莽洲邊雲接空

輓婁一齋諒

一齋吾提學蓮塘先生之伯兄也且獲交于其冢子元善是故不能

無言顧言之不能盡哀耳

它年曾讀一齋書夢入雲山問起居前輩風流猶有此

古人門戶竟何如鵝湖絕筆留真跡洛社深衣復故祛
哭罷蓮塘還再慟玉峰高塚兩渠渠

次楊邃菴先生留別二首

時先生提學陝西

百尺高臺傍寺門杜陵秋興此猶存贈行獨愧清風句
留坐還依古樹根星共北辰雙闕近山連西岳一峰尊
明朝旌節投何處望斷秦雲眼欲昏

雨餘風葉飛長林使君別去愁難任也知鳴鐸自天意
肯謂乘軺非我心燕山青連北極近渭水東入黃河深

請看祖席半門下
它日被褐今朝簪

次王朝言

有懷自遣坐新涼
晝漏沈沈靜裏長
千里鄉關頻入望
兩年朝省漫隨行
雲迷晚渚花猶隱
風入秋林樹亦狂
我憶美人元不遠
蒹葭空賦露為霜

武寧分司次見素公韻

萬山旌節破風煙
細草承輿軟似綿
蒔稻有歌春鳥和
采桑無侶晚蠶眠
兩旬廬岳仍回眼
百里洪厓漫拍肩

讀罷妙詞清不寐夜深猶憶對莆田

聞李兵備計

鬱孤臺下鶚夜啼白日慘慘愁雲低
三年戎幕庾嶺北萬里旅櫬巫峰西
江湖落落歲復月風雨蕭蕭山更溪
平生勤事數行墨回首教場秋草迷

阻風用杜韻

畫舫乘春滿載書阻風聊傍野洲居
此時獨坐愛騎鶴何處老翁來賣魚
飛雲漫逐海鷗遠鳴雨漸敲江樹疎

莫言散局有底急湖上草深方待鋤

次韻答萬晦之

逢君在許復京師幾向天涯歎別離
南客詎無莊鷄適北人那有召棠思
江湖興遠新居定風月情多舊榻知
野寺梅花堪折未欲憑尊酒侑臨岐

別白鹿

五老峰前雙澗流洞門草長鹿呦呦
深雲似與春長住細雨何妨午未收
千里客懷頻出使數年吏事半藏修

明朝我放東風棹分付山靈管素秋

通州相城呈同事諸公二首

眼中形勢盡登臨前輩經營亦苦心一道星河天廩近
千年風氣水門深驛亭東去多遼使商舶南來半越吟
漕計經春定何似長安三月米如金

肩輿南浦復西邱盡日淹留為此州雲隱層城纔見塔
水漫孤渡偶逢舟林風力淺花能晚山雨聲遲麥未秋
最是中丞憂國計幾回獨立向東流

乞終養未許

乞歸未許奈親何帝里風光夢裏過三月春寒青草短
五湖天遠白雲多客囊衣在縫猶密驛騎書來字欲磨
聖主恩深臣分淺百年心事兩蹉跎

弔林和靖墓

賦得梅花萬古傳水濱孤塚却蕭然閒雲於我心俱隱
老鶴如人骨半仙朝市尚餘觀物地兒童不省入城年
小橋東去今成路回首中洲但暮煙

謁于肅愍祠

祠前春霧隱緋袍
隔嶺松聲應海濤
伯紀空勤恢復計
子儀還重廓清勞
我將薄奠成三獻
誰作長歌寄一號
西望岳墳纔數里
白雲湖上兩峰高

五老峰

匡廬山頭五老人
晚歲纔見羲皇民
雪蒙綠髮不改色
雲映蒼顏真入神
豈無北海未須避
自有南極堪為鄰
吾亭擬結白鹿上
獨對一杯公莫嗔

聞侍養命喜而有述

五疏纔蒙一語俞拜扶老母望天除孤孀節操劬勞外
獨苦心情喜懼餘寬處栽花占月令靜中檢藥印方書
東風吹綠長春徑不羨潘家有板輿

重陽答錢戶部

晴日重陽冗裏過百年佳節幾蹉跎山當對面愁登遠
客有知心恨別多白髮此僧聊爾耳
僧圓顯同登黃花明日
又如何滄浪濯足非吾敢敢謂春湖勝玉珂

松風閣贈方崑山用顧與成韻

石鼎詩成向我歌，聽松樓外竹為窩。
風煙逸望三江遠，湖海清談一夜多。
雲近不知山是否，雨深還問月如何。
相逢莫訝辭官蚤，鬢髮蕭蕭短更皤。

寄題邵憲副東邱娛晚亭

荆南溪水水東頭，憲使歸來訪故邱。
綠野竟忘裴晉國，香山真識白江州。
風塵迹遠新圖畫，山水情深舊釣遊。
我有一尊思共醉，扁舟將趁菊花秋。

山中答黃明甫

謾乞新詩續舊詩
小江高興老僧知
旌馳嶺外觀風地
榻寄山中聽雨時
泉近不勞將石子
雲深惟許偃松枝
浩歌一曲滄浪月
萬古心期酒在巵

夜泊鄔子聞雷有感

鳴雨乍過江茫然
龍津驛前還泊船
柝聲欲罷雞且叫
鄉信未來吾獨眠
沙邊白鷗手可掣
湖上碧草夢相牽
明星照水看漸隱
春陰冉冉生雲煙

謁嚴先生祠

碧石離離草色新
富春山下幾回春
漫將賣菜辭求益
本為觀魚得任真
三代道亡還此有
兩生心在更何人
客星亭倚浮雲外
未許漁翁來卜鄰



容春堂前集卷七